

Час шестый (великопостное последование)

Молитвами святых отец наших, Господи Иисусе Христе Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды.)

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй. (12 раз.)

Слава Отцу и Сыну и Святому Духу, и ныне и присно и во веки веков. Аминь

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

И псалмы 53, 54, 90:

Боже, во имя Твое спаси мя и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя, и крепцыи взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потреби их. Волею пожру Тебе, ис-

повёмся имени Твоему, Гóсподи, яко блага́, яко от всякия печáли избавил мя еси́, и на враги́ моя возрэ́ око мое.

Внуши́, Бóже, моли́тву мою и не презри́ моления́ моего. Вонми́ ми и услы́ши мя: возскорбéх печáлию моею и смято́хся от гласа вра́жия и от стужéния грéшника. Яко уклони́ша на мя беззакóние, и во гнéве враждова́ху ми. Сёрдце мое смятёся во мне, и боя́знь смёрти нападе́ на мя. Страх и трéпет прииде́ на мя, и покры́ мя тьма. И рех: кто даст ми криле́, яко голуби́не? И полещу́, и почию. Се удали́хся бéгая, и водвори́хся в пустыни. Чáях Бóга, спаса́ющаго мя от малоду́шия и от бу́ри. Потопи́, Гóсподи, и раздели́ языки их: яко видех беззакóние и пререка́ние во граде. Днем и но́щию обы́дет ѝ по стена́м его. Беззакóние и труд посреде́ его, и неправда. И не оскуде́ от стогн его ли́хва и лeсть. Яко áще бы враг поноси́л ми, претерпéл бых у́бо, и áще бы ненави́дьяй мя на мя велерéчевал, укры́л бых ся от него. Ты же, челове́че равноду́шне, влады́ко мой и зна́емый мой, ѝже кúпно наслажда́лся еси́ со мною бра́шен, в дому́ Бóжии ходи́хом единомышлени́ем. Да придет же смерть на ня, и да снiдут во ад жи́ви, яко лука́вство в жили́щах их, посреде́ их. Аз к Бóгу воззва́х, и Госпо́дь услы́ша мя. Вéчер и заўтра, и полудне повём, и возвещу́, и услы́шит глас мой. Избáвит миром ду́шу мою от приближа́ющихся мне, яко во мно́зе бяху со мною. Услы́шит Бог и смири́т я, Сый прéжде век. Нeсть бо им изменéния, яко не убо́яшася Бóга. Простре́ ру́ку Свою на воздая́ние, оскверни́ша завет Его. Раздели́шася от гнéва лица́ Его, и прибли́жишася сердца́ их, умя́кнуша словеса́ их пáче елéя, и та суть стрéлы. Возвэ́рзи на Гóспода печáль твою, и Той тя препита́ет, не даст в век молвы́ праведнику. Ты же, Бóже, низведéши я в студенéц ислéния, мýжие кровей и лeсти не преполовя́т дней своих. Аз же, Гóсподи, упова́ю на Тя.

Живы́й в по́моци Вы́шняго, в кро́ве Бóга Небéснаго водвори́тся. Речёт Гóсподеви: Засту́пник мой еси́ и Прибе́жище мое, Бог мой, и упова́ю на Него́. Яко Той избáвит тя от сéти лóвчи, и от словесé мятёжна, плещма́ Сво́йма осенит́ тя, и под криле́ Его наде́ешися: ору́жием обы́дет тя ѝстина Его. Не убой́шися от страха́ ноцна́го, от стрелы́ летя́щия во дни, от вéщи во тьме переходя́щия, от сря́ща и бéса полуденнаго. Падёт от страны́ твоея́ ты́сяща, и тьма одесну́ю тебé, к тебе́ же не прибли́жится, обáче очима тво́йма смóтриши, и воз-

да́яние грѣшников ѹзриши. Я́ко Ты, Го́споди, упова́ние мое, Вѣ́шняго положи́л еси́ прибе́жище твое. Не при́дет к тебе зло, и ра́на не прибли́жится телеси́ твоему́, я́ко А́нгелом Своим заповѣсть о тебѣ, сохрани́ти тя во всех путѣх твоих. На рука́х во́змут тя, да не когда́ преткне́ши о ка́мень но́гу твою, на а́спида и васили́ска настúпиши, и попере́ши льва и зми́я. Я́ко на Мя упова́, и изба́влю ѿ: покры́ю ѿ, я́ко позна́ ѿмя Мое. Воззо́вет ко Мне, и услы́шу его: с ним есмь в ско́рби, изму́ его, и просла́влю его́, долгото́ю дней испо́лню его, и явлю́ ему спасе́ние Мое.

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Трижды.)

Го́споди, поми́луй. (Трижды.)

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

И читется КАФИЗМА

По окончании последнего псалма оной:

Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́, Бо́же. (Трижды.)

Го́споди, поми́луй. (Трижды.)

По кафисме глаголем настоящий тропарь со стихами, глас 2:

И́же в шесты́й день же и час на Крестѣ пригвожде́й в рай дерзнове́нный Ада́мов грех и согреше́ний наших рукописа́ние раздери́, Христе́ Бо́же, и спаси́ нас. (Поклон великий.)

Стих 1: Внуши́, Бо́же, моли́тву мою, и не прѣзри моле́ния моего́. (Поклон великий.)

Стих 2: Аз к Бо́гу воззва́х, и Господь услы́ша мя. (Поклон великий.)

Далее чтем: Сла́ва Отцу́ и Сы́ну и Свято́му Ду́ху, и ны́не и прѣсно и во ве́ки веко́в. Ами́нь.

Я́ко не ѿмамы дерзнове́ния за премно́гия грехи́ на́ша, Ты и́же от Тебе́ Ро́ждшагося моли́, Богороди́це Де́во, мно́го бо мо́жет моле́ние ма́тернее ко благосе́рдию Влады́ки, не прѣзри грѣшных мо́льбы, Всечи́стая, я́ко Милостив есть и спасти́ могый, и́же и страда́ти о нас изво́ливый.

жия. Тем благодарственно вопиём Ти: радости исполнил еси вся, Спасе наш, пришедый спасти мир.

И ныне и присно и во веки веков. Аминь.

Милосердия сущи источник, милости сподоби нас, Богородице, при-
зри на люди согрешившия, яви яко присно силу Твою: на Тя бо упо-
вающе, радуйся вопиём Ти, якоже иногда Гавриил, безплотных Ар-
хистратиг.

Господи, помилуй. (40 раз.)

Иже на всякое время и на всякий час, на небеси и на земли покла-
няемый и славимый Христэ Бóже, долготерпеливе, многомилостиве,
многоблагоутробне, Иже праведныя любяй и грешныя милуяй, Иже
вся зовый ко спасению, обещания ради будущих благ. Сам, Господи,
приими и наша в час сей молитвы, и исправи живот наш к запове-
дем Твоим: души наша освяти, телеса очисти, помышления исправи,
мысли очисти и избави нас от всякия скорби, зол и болезней.
Оградй нас святыми Твоими Ангелы, да ополчением их соблюдаеми
и наставляеми, достигнем в соединение веры, и в разум непреступ-
ныя Твоея славы: яко благословен еси во веки веков. Аминь.

Господи, помилуй. (Трижды.)

Слава Отцу и Сыну и Святому Духу, и ныне и присно и во веки ве-
ков. Аминь.

Честнейшую Херувим и славнейшую без сравнения Серафим, без ис-
тления Бóга Слова рождшую, сущую Богородицу Тя величаем.
Именем Господним благослови, отче.

Священник: Бóже, ущедри ны и благослови ны, просвети лице Твое
на ны и помилуй ны.

Чтец: Аминь.

И глаголем молитву святого Ефрема:

Господи и Владыко живота моего, дух праздности, уныния, любо-
началия и празднословия не даждь ми. **(Поклон великий.)**

Дух же целомудрия, смиренномудрия, терпения и любви даруй ми,
рабу Твоему. **(Поклон великий.)**

Ей Господи Царю, даруй ми зрети моя прегрешения и не осуждати
брата моего, яко благословен еси во веки веков. Аминь. **(Поклон ве-
ликий.)**

Таже малых 12, глаголюще в себе на каждый поклон: Бóже, очисти мя, грéшнаго.

И паки: Гóсподи и Влады́ко живота моего́, дух прáздности, унѣния, любоначáлия и прáзднослóвия не даждь ми. Дух же целомúдрия, смиренномúдрия, терпéния и любвѣ дáруй ми, рабú Твоемú. Ей Гóсподи Царю́, дáруй ми зрѣти моя прегрешéния и не осуждáти брата моего́, я́ко благословѣн еси́ во вѣки векóв. Амѣнь. **(И поклон един великий)**

Бóже и Гóсподи сил и всея́ твáри Содéтелю, Ёже за милосѣрдие безприкладныя мѣлости Твоея́, Единорóднаго Сы́на Твоего́, Гóспода нáшего Иисúса Христá низпослáвый на спасéние рóда нáшего и Честнѣм Его Крестóм рукописáние грех нáших растерзáвый и победѣвый тем начáла и влáсти тьмы: Сам, Влады́ко Человеколóбче, прими́ и нас, грéшных, благодарственныя сия и молѣбныя молѣтвы, и избáви нас от всякаго всегубѣтельнаго и мрачнаго прегрешéния, и всех озлóбити нас ищущих ви́димых и невидимых враг. Пригвозди́ стра́ху Твоемú плóти нáша и не уклони́ сердце́ нáших в словеса́ или́ помышлѣния лукавствия, но любóвию Твоею́ уязви́ дúши нáша, да к Тебѣ всегда́ взирающе и ёже от Тебѣ свѣтом наставляеми, Тебѣ, непристúпнаго и присносúщнаго зряще Свѣта, непрестáнное Тебѣ исповѣдание и благодарéние возсыла́ем, Безначáльному Отцú со Единорóдным Твоѣм Сы́ном и Всесвятѣм и Благѣм и Животворящим Твоим Дúхом, ны́не и прѣсно и во вѣки векóв. Амѣнь.

Слáва Отцú и Сы́ну и Свято́му Дúху, и ны́не и прѣсно и во вѣки векóв. Амѣнь.

Гóсподи, помѣлуй. **(Трижды.)**

Гóсподи Иисúсе Христé, Сы́не Бóжий, молитв ра́ди Пречѣстныя Твоея́ Мáтере, преподóбных и богонóсных отец нáших и всех святѣх, помѣлуй нас. Амѣнь.